

Landesbibliothek Oldenburg

Digitalisierung von Drucken

**Christophori Cellarii Compendivm Antiqvitatvm
Romanorvm**

Cellarius, Christoph

Halae Magdeburgicae, 1774

VD18 10161015

Sect. IV. De Petitione Honorvm.

urn:nbn:de:gbv:45:1-17085

SENECA *de ira lib. II. cap. 7.* & AVSONIVS *in gratiarum actione ad Gratianum cap. V. num. 2.*

§. III.

Neque vero magistratus tantum creabantur in campo ; verum alia etiam ibi acta sunt cum populo negotia , item iudicia certa & similia ad rem publicam pertinentia : LIVIVS *lib. XXXI. cap. 6.*
lib. IV. cap. 23. *lib. VI. cap. 20.* & CICERO *pro domo cap. XXX.* & *XXXII.*

SECT. IV.

DE PETITIONE HONORVM.

§. I.

PETITORES honorum *candidati* ¹⁾ dicebantur a toga candida. Vnde Ciceronis oratio in toga candida contra competitores suos apud ASCONIVM *in fragmentis.* Plus autem est candida , quam alba , & splendorem superadditum significat. Petentium autem toga , ut noscerentur ab aliis , creta candidior fiebat. ISIDORVS Hispalensis *lib.*

1) Candidati , siue ii , qui comitiis honores petere volebant , ante omnia preces ad numina mittebant , quibus desiderium suum exponere ac supplices rogare solebant , ut votis dii satisfacerent , remque ex animi sententia succedere iuberent : vide PERSIVM *sat. II. v. 39.* & PLAVTVM *rud. act. I. scen. 5. v. 11.* Ducebant eos amici in campum Martium , ubi quibuscumque mediis fauorem populi sibi colligere studebant. Distribuebant pecuniam , obuios salutabant , ac quasquis blandas adhibebant appellaciones , ut inde plurimorum gratiam ini- rent ac suffragia eorum sibi conciliarent ; quemadmodum CICERO *lib. II. epist. I. ad Atticum,* PLVTARCHVS *quaest. Rom. XLVIII.* & MARTIALIS *epigr. I. v. 113.* testantur.

lib. XIX. origin. cap. 24: toga candida eademque cretata, in qua candidati, id est, magistratum petentes, ambiebant, addita creta, quo candidior insigniorque esset. Et PERSIVS sat. V. v. 147:

- - - quem tollit hiantem

Cretata ambitio.

Prohibitum quidem aliquando fuit, ne cui album in vestimentum addere liceret, ut LIVIVS refert *lib. IV. cap. 25.* sed non fuit obseruatum. Difficilior autem aditus ad honores erat propter multitudinem suffragiorum. Quæ vero a potentioribus prius, quam a promiscua multitudine expetenda erant, quia hæc ab illis regebatur. Inde cursare, ambire, prensare soliti candidati; nec tantum per se, sed etiam per amicos, qui voce, litteris candidatos commendabant aliis. Exempla sunt apud CICERONEM *lib. II. ep. 6.* qua Milonem consulatus candidatum Curioni commendat, & apud PLINIVM *lib. II. ep. 9.* qua sollicitus est, ut Euricio tribunatum plebis impetraret, & *lib. VIII. ep. 23. num. 5.* quo discursu, qua vigilantia hanc ipsam ædilitatem petiit.

§. II.

Quod vero ad ipsos candidatos attinet, illorum studia, cursitationes, prensationes, omnium copiosissime descripsit MAMERTINV^S *in paneg. ad Iulianum cap. XVI.* Adde AVSONII *paneg. cap. V.* vbi illa non solum, quæ ante ibidem in vrbe, verum etiam quæ in campo Martio a candidatis agebantur, egregie describuntur.

§. III.

Etiam illo tempore, quo petebant, necesse erat,
mo-

dignitas erat, quod plebiscita legibus proprie di-
Etis & senatus decretis lege hortensia sunt æquipa-
rata , de quibus supra diximus. Accessit, quod
summum est, prouocatio ad populum contra sena-
tum , aut maiores magistratus , vbi *populi* nomine
potissimum plebs significatur ; equestri tamen or-
dine non excluso. Vide exemplum apud **LIVIVM**
lib. II. cap. 56. seq. Impetratum etiam, vt **LIVIVS**
codem libro cap. 56. § 58. habet, ut tributis comitiis,
id est, sine patribus, tribuni plebis crearentur,

§. IV.

Non ergo plebeius ordo tantum viles homines,
aut opifices continebat , sed magnos quoque &
præstantes viros ; cuius ordinis duo erant summa
præsidia, prouocatio ad populum & tribunatus ple-
bis, quem etiam imperatores seu cæsares omnes
propter summam potestatem in se receperunt.

SECT. II.

DE STATV HOMINVM DIVERSO
APVD ROMANOS.

CAP. I.

DE STATV LIBERORVM.

§. I.

STATVM hominum iureconsulti voçant, quan-
do
alii, ad quos *SVETONIVS* vit. *Aug. cap. II.* pertinet,
Tarquinium Priscum nominant. Eo tempore, quo Spurius Mælius ob adfæctatam nimiam potestatem cæsus
est, plebem ad senatum admissam esse, ex **LIVIO lib.**
IV. cap. 15. quidem liquet; sed iam ante Mælium idem
factitatum esse, probabile videretur: conf. **10. SAR. ZA-**
MOSCIVM de senat. *Rom. lib. I. cap. 6.*